

مجله تاریخی

مطبعه و محل اداره :

جفال اوغلنده امنیت
صندوقی جوارنده
شکول یقوشنده
۲۷ نومرو

مسلمکزه موافق آثار
جدیده مع المنونیه
قبول اولنور

درج ایدله بن آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسوه دینه بحث ایدر و هفته ده بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یارده در

ابوالعلا زین العابدین - ح . اشرف ادیب
تاریخ تأسیسی

سنه لکی	التی آیلنی	غروش
۶۵	۳۵	۳۰۰
۶۰	۳۰	۲۰۰
۱۷	۹	۱۰۰

۱۰ تموز ۳۲۴

قیرله دن مقوا بورو ایله کوندر

۲۰ غروش فضله آلنبر

۷ شوال ۱۳۲۹ پنجشنبه ۱۷ ایلول ۱۳۲۷

عدد : ۱۶۰

یدنجی جلد

اداره مصلحت

بو کون عالم سیاسیاتده بالفعل میدانہ چیقمش و فیما بعد چیقاجق اولان نه قدر مهم مسئلهلر واریسه ، بونلردن هیچ بریسی شیمدی شور قاج آیده و یاخود بر قاج سنهده اورتالغه چیقارلمش افکار جدیدہ نمره سی دکلدن . بلکه بونلر عصر لرجه دوشونیلرک یوز بیکلرجه انسان جانلرینی قیارق ، دنیاده الکیوک و مشهور داهی لرک بسله دکلری آمالک میدانہ کتورلمه سی ایچون عصر لرجه ذهن صرف ایدیلرک ، دفعاتله تعاطی افکار اولنهرق لدی الایجاب فکرلری اوغورنده جانلری ده فدادن چکیلمیه لرک تعیین اولنش منتظم برخط حرکتک نتیجه سیدر . امتداد زمان ایله حکمدارلر تبدل ایتدی ، برچوق دیپلوماتلر کلدی کیتدی ، فقط اوداهی لرک تعیین ایلدکلری خط حرکت ذره قدر انحراف ایتدی .

بونلرک یوز سنه دن بری شود سائس ملعنت کاریلری نتیجه سی اوله رق بزه قارشى آچمش اولدقلری یاره لری نظر اعتباره آله رق تصور ایده جک اولورسه هیچ شبهه سز کسب قناعت ایدرز که آوروپا دیپلوما تارینک اوتهدنبرو بزم حق مزده بسله مکده اولدقلری ظن فاسد لری : « اسلامیت مدنیت دشمنیدر ، عالم مدنیتک استراحتنی تأمین ایتک ایچون ، اسلامی و انک یکانه مرکز سلطنتی اولان خلافت اسلامییه اورتالقدن قالدیرمق الزمدر » بو خصوصده آوروپا رجالی شیمدی یه قدر او خط معینده اصلا و قطعا مخالفت ایتمه مشلدر . بزم شیمدی کچیر مکده اولدیغمز فلاکت هپ بوتدایر ملعنت کاریلرک نتیجه سی در : طونه ولایتی کیتدی ، تونس ، جزایر ، بوسنه هر سک کیتدی ، مصر کیتدی ، کرید کیتدی ، بوکونده طرابلس غرب کی الهمم بر ولا یتمز کیتک اوزره در . یمن ایسه الی قولاغنده ، بوندن یاریم عصر مقدم کاغد اوزرنده قلم ایله تقسیم اولنش اموال متروکه بوکون اصحاب اسهامه برر برر فعلا تسلیم اولنقه در . بو یوله در ، بشقه هیچ برشی دکلدن .

بزمکیلر هپ یوم جدید رزق جدید (اداره مصلحت) سیاستی تعقیب ایتشلر ، حالاده یو سیاستدن آیریلما مقده درلر .

طرابلس غرب مسئله سی تمام برسنه در غزته ستونلرنده سویلندی ، برم دیپلوماتلری سماع اعتبار ایتدیلر ، بو کون اداره مصلحت اولمق اوزره بر مبلغ معین بدلنده وطنمیزک بر جزئی اولان طرابلس غربی کیسه دن دشمن الله تسلیم ایدوب ، پاره سی ایله ده بر ایکی آی معاش ویرسه ک اولمازمی عجبا ؟ بوده اداره مصلحت ایسه فیما بعد مالیه مز دوچار مضایقه اولدقچه برر ولایتی مزایده یه چیقاروب اداره مصلحت سیاستی تعقیب ایتمکدن بشقه برچاره بوله میه جفمز شبهه سزدر . زیرا بزم اوزون دوشونجه لر ایله ذهنمزی یورمق ایسته میورز . یوقسه بوکون مقر خلافتک مفتونی اولان یوز میلیونلرجه اهل اسلام افرادی هر سنه آیاغمزه کللیور ، بر آرز صرف افکار ایده جک اولورسه ق نهلر یایمق ممکن دکل .

بزم وکلامز من القدییم هیچ بروقت کندیلری ذهن یورما مشلدر ، یالکنز کنسدیلرینی بر امر واقع فارشوسنده کوردکلری کی همان

بک اوغلنه کیدرک سفارتلره التجا ایدر و آنلردن بریله استشاره ایدرلر . الکیوک دیپلوماتلر مزک بیله مسلکی بویله در .

سفیرلرک تعلیماتی اوزرینه دون دهها بر والیز اولان فردیناندی قرال صفتیله قبول ایدرک کندیسنه مهمان نوازلق کوستردک ، کال دبده ایله سرکه جیدن استقبال ایتدیردک بوکا مقابل ده کرید بزم مالز اوله جق و آوروپا دواتلری ده بزی انسان یرنده صانه جق ظن ایتدک . در عقب بونلر هپ دیپلوماتلق دسائسی اولدیغنی کوردک ، فقط ایش ایشدن کیمش بولندی . بزم ایسه حالا عقلمزی باشیمزه طوپلایه مدق بوکون تمسایله بر میراث یهدی حالده بولنیور و هر نوع اغفالاته قابیلورز .

بزم ایچون یاییلمه سی لازم اولان تدایر مهمه دن هیچ برینی بزم ملاحظه ایده میز و عقلمزه بیله کتوره میز ، زیرا بزم بک اوغلی دوستلر مزک خوشنه کیمیه جک ، بزم ایچون الکی مهم تدایر دن بری « اتحاد اسلام » مسئله سی اولدیغنی حالده ، دوستلر مز بزم « اتحاد اسلامی » چهارشنبه قاریسی یرنده کوستردیلر ، بزمه علی العمیا قبول ایتدک ، حالبوکه بزی تخلص ایده جک یکانه سیاستمز اوله جقدی . بوکون بزم تعقیب ایتمکده اولدیغمز مسلک سیاسیمزی تصویر ایتک ایچون هیچ مناسبتمز بر مثال کوستره جکم :

کچن هفته آطه اردن کوپری یه ساعت ۱۲ ده یناشمق استهین وساعت بزم قدر یناشامایان بر واپوردن اسکله یه جیمه آتلمشدی ، جیمه قیصه کلدی . کوزی آجیق جیمه جی همان قوشاغنی چیقاردی ، جیمه نیک اوجنه آکلده دی ؛ واپوری دور دیره جق ، بو صورتله اداره مصلحت ایده جکدی . تام بر دیپلومات دکلی ؟ .. ایشته بزم وکلامزک حالی بویله در : جیمه جی تدبیری !

صوکرده شان و شرفدن بحث ایدرلر ، بوتون جهان عقل ویرمک ایسترلر ، شان شرف نرده ، بزم نرده ؟ بین الثری و الثریا .. !

بوکون طرابلس غرب ایچون یکانه چاره مز واریسه اوده آوروپا دولتلرینی مداخله یه دعوت ایتمکدن عبارت قالا جقدر ، آنلرده مداخله ایتدکلری کی مسئله تمایله کرید مسئله سی شکلی آلور ، اوزمان طرابلس غرب ده بوکون کتمزده اوج سنه صوکره کیدر . ایشته اداره مصلحت بویله اولور .

بوکون عثمانیلر آغلاسون ، بوکون بتون عالم اسلام آغلاسون . سلطنت عثمانیه ، خلافت اسلامیه بوکون آفریقا قطعه سندن چکیلور . تاریخ اسلام ایچون نه مؤلم ، نه مظلوم بر صحیفه ! بوندن صه کرا آرتق عالم اسلامک حیات و ممات دقیقه لری در .

هر طرفدن قوشادلمغه باشلانان خلافت اسلامییه یی تسلط اعدادن قور تاره جق ، آنجق بتون مسلمانلرک غفلت او یقوسندن سیدکنه رک جدی انتباهلری و بتون ماللریله ، جانلریله ولایتلرل بر عزم ایله میدان مجاهده یه آتیلملری در . الله معینمز اولسون .

عبدالرشید ابراهیم